


FEPUARI  
2010

SOSAIETE AOGA AMATA SAMOA I AOTEAROA



# SAASIA

## TAULOGOLOGO



Avea ia lenei avanoa e faatalofa atu ai i le paia ma le mamalu o la tatou Sosaiete i lenei tausaga fou. O le paia lava lea i susuga i faiaogaulu, susuga i faiaoga, mamalu o komiti faafoe, susuga i matua faapea alo ma fanua. E viia pea ma faafetaia le agalelei ma le alofa o le Atua ona ua a'e manuia mai la tatou folauga mai lena tausaga e aulia mai lenei tausaga. O lana pule alofa ua ia le tuulafoaina ai lou tou soifua ma lo tatou ola e fano i matagi malolosi o faafitauli ma faigata, sa fetaia'i ai i a tatou feau ma galuega. Ua malo le folau manuia. Faafetai le onosai ma le faapalepale. Tau ina ia foai mai pea e le Atua lona tamaoiga i le tino, mafaufau ma le agaga e faatautai ai ma galulue ai ma le faamalosi aua alo ma fanau a lo tatou atunuu mo a taeao.

Mai le fono a le komiti faafoe a le SAASIA ia Novema 2009, na a'e ai se tofa i le laulauafono e faapea o le a taumafai atu le SAASIA e tusia se tusi e faamaumau ai autaluga a aoga amata talu ona faavae mai. O lenei tusitusiga o le a tãpã ai le fesoasoani a nisi o tamalii mo ni latou sao (chapters) i luga o mataupu eseese. E lã gata iinei ao

### Inside this issue:

- Fesootaiga ma Hawaii – Fetuao Aoga Faasamoa
- Faauu faiaoga Aoga Amata i Kalaiesetete – NZCA Graduation
- Faauuga a le Mapusaga Aoga Amata - Kalaiesetete
- NOTICES

isi foi tamalii o loo tautua i aoga i atunuu i fafo. Tau ina ia faamalieina lau faitau ma le maimoa i le tatou Taulogologo muamua o lenei tausaga. O loo maua pea ni avanoa e aumai ai ni a outou talafou mo le Taulogologo, faamolemole faafesootai ane sui o le SAASIA i a outou pitonuu.

Tautuana galuega faafouina o loo taumafai ai sui o le SAASIA e faatino aua le tautuaina o le mamalu o aoga amata. O loo maua nisi faamatalaga i le pito i tua o le Taulogologo.

Ia manuia le alo faiva i lenei tausaga.

*Salã Faasaulala Tagoilelagi-Leota*  
Peresitene o le SAASIA

# *ALOHA: Aoga Faasamoa i Hawaii - Le Fetuao Aoga Faasamoa*

Ia Ianuari 2010 na faimalaga atu ai le taitaifono a le SAASIA I Hawaii mo ni fonotaga ma maua ai se avanoa matagofie e ala i se mafutaga ma le uluai aoga faasamoa i Hawaii e ta'ua o le *Le Fetuao Samoan Language School*. Na amata le aso i le aliitaeao ona sosoo ai lea o ni folasaga sa tapena atu i NZ faapea foi ma le sao o faiaoga a le Fetuao. O le folasoga muamua na talosagaina mai e Hawaii O le *atinaeina o aoga amata i Aotearoa, aemaise ai le sao o le gagana Samoa i le ola aaoaina o tamaiti mai le aoga amata seia oo i univesite*. Matagofie le tapenaga a le Fetuao i alo ma fanua o loo aoga ai aemaise le lagolago a matua. Na maualuga foi lea aso i le auai o le sui mai le Ofisa a le Pulenuu (Mayor of Oahu), le susuga ia Gus Hanneman, le afioga ia Aumua Mataitusi Simanu, sui mai le Univesite a Hawaii; Dr Fepuleai John Mayer ma Vita Tanielu. O le aoga o loo i lalo o le vaavaaiga a le susuga i le tausi matagaluega ia Nuutele Vaena ma le faletua faapea le susuga ia Elisapeta Alaimaleata (University of Hawaii). Sa lagona foi le fiafia i le toe mafuta atu i le faiaoga ia Aitulagi Peto o se tasi o faiaoga o le Le Fetuao i Hawaii, na a'utau iinei NZ i le polokalame a le PIECCA.



Le susuga i le tausi matagaluega Nuutele Vaena ma le faletua faapea Elisapeta Alaimaleata (3<sup>rd</sup> from left) ma Aitulagi Peto (2<sup>nd</sup> from left) i lea aso o le faasoa.



O tamaiti aoga a Le Fetuao i le taimi o le latou faafiafiaga.



Salā ma le sui o le pulenuu o Oahu Honolulu; Gus Hanneman sa auai i lea faamoemoe.



Le afioga ia Dr Fepuleai John Mayer mai le Univesite A Hawaii, faiaoga a le AUT o Faatamalii Kesi faapea se tasi o alo o le atunuu o Ginger o loo fai lana PhD i Hawaii.

# FAAUUGA A FAIAOGA AOGA AMATA – KALAISETETE 2010



O nisi ia o faiaoga sa autau i le Te Tari Puna Ora o Aotearoa i Kalaiasetete ma ua tau lau o le faamoemoe e avea ma faiaoga pasi. O le faletua i le toaina o Elisapeta Vili ma Flory Sio Levy. *Top right:* Carmen Stockdale, Mara Gase, Flory Sio Levy, Anastasia Pule & Se'e Brewster ma Ateliana O'Donnell o loo i luma. Mananaia lau fofoga o le fiafia aua e le se galuega faigofie na latou feagai ai. Tau ina ia faamanuia atu le Atua i o outou faiva, ia manuia alo o si o tatou atunuu o le a tou aoaoina. Faamalo le tau!!!!

## FAAUUGA A LE MAPUSAGA AOGA AMATA - KALAISETETE



O le faauuga lea o alo ma fanau mai le Mapusaga Aoga Amata i Kalaiasetete. Ua latou taulimaina a latou Tipiloma o le tausaga faauu, ua lava tapena i latou mo le aoga tulaga lua. Momoli atu ai le faafetai i faiaoga aemaise matua i le galuega fita na tou feagai ai. Ia manuia foi le autovaa atu o le fanau mo aoaoga i le tulaga lua.

# KONEFERENISI & FAASILASILAGA

## FETUFAAIGA

### AUKILANI

O le a faia ni galuega faafouina mo aoga amata i Aukilani I luga o mataupu ia:

- Leadership
- Governance
- Data analysis

O le a faatautaia ia mataupu e le susuga ia Vailoa Milo-Harris (MBA). O le a logo atu le tou mamalu i se taimi o i luma i le fale ma le taimi o nei auaunaga.

### UELIGITONE

Ua faamoemoe nei tapenaga mo sui o Aoga Amata i le FAGASA ma soo se faiaoga Aoga Amata, se fetufaaiga e uiga i le mataupu o le "Assessment" e faatinoina e le tofā a Tulimalefasi Bella Tanielu-Dick i le masina o Oketopa. E talo atu ai i faiaoga o Aoga Amata uma i Ueligitone e manatua lea fetufaa'iga ina ia auai mai. O le Aso Tofi 14 o Oketopa, 2010 e faataunuu ai ae toe fesoota'i atu le nofoaga e faatino ai lea fetufaa'iga tāua.

### ASO FONO – KOMITI FAAFOE SAASIA 2010

**20 Mati – Aukilani**

**26 Iuni – Ueligitone**

**24 Setema – Napier**

**20 Novema – Kalaiesetete**

### 2010 SAASIA AGM

**25 Setema – NAPIER!!!**



FAALAPOTOPOTOGA MO LE AOROINA  
O LE GAGANA SAMOA I AOTEAROA

ANNUAL CONFERENCE AND AGM

FAGASA

*Theme: Gagana o Fa'atufugaga*

*The Artistry of Language*

*Date: 6<sup>th</sup> - 8<sup>th</sup> April 2010*

**Venue: Brentwood Hotel, 16 Kemp St., Kilbirnie,  
Wellington.**

**Registration:** Members \$300; Non member \$330. Aoga Amata teachers & Students: \$200 showing ID. Late payment: \$350 for both members and non members. Daily rate: \$120 members and \$150 for non members

**Closing date:** Friday 26<sup>th</sup> February 2010. **Accommodation:** Book your own @ \$146.25 twin room with Brentwood Hotel 0508 27368 9663.